



Inatsisartunut ilaasortaq Aqqalu C Jeremiassen

#### **4. oktober 2023 apeqqarissaartoqarnerani E-sport pillugu nalunaarusiamut tunngatillugu apeqquteqaammut akissut**

20-11-2023  
Sagsnr.  
Akt nr. 23542161

Ulloq 4. oktober 2023 Inatsisartuni apeqqarissaartoqarnerani E-sport pillugu nalunaarusiamut tunngatillugu apeqqutigivat Naalakkersuisut qanoq iliuuseqarniarnersut.

Postboks 1029  
3900 Nuuk  
Tlf: +299 34 50 00  
Email: [ikin@nаноq.gl](mailto:ikin@nаноq.gl)  
[www.nanoq.gl](http://www.nanoq.gl)

E-sport pillugu nalunaarusiami inerniliunneqarpoq timersorneq, timigissarneq aamma e-sport pillugu nassuiaatit aallaavigalugit e-sport inatsimmut ilaalissappat timersorneq pillugu inatsisip ilarujussuata allanngortinneqarnissaa pisariaqassasoq. Inatsisip atuuffiani nassuiaatinilu e-sport pillugu aalajangersakkat ikkunneqarnissaat pisariaqassaaq. Aammattaaq inatsisip atuuffiata taamatut annertusineqarnera inatsimmi aalajangersakkanut allanut naleqqiullugu allannguinermik kinguneqassasoq isumaliutigineqartussaassalluni, tassunga ilanngullugu tapiissutinut tunngatillugu, timi atorlugu timersuutit assigalugit e-sport timersuutitut akuerineqanngippat.

Tassunga ilanngullugu Naalakkersuisunit maluginiarneqarpoq e-sport tassaasoq Kalaallit Nunaanni nutaajulluinnartoq, assigiinngitsuni taassuma nukittorsarneqarnissaa pisariaqartinneqarluni. Peqatigiiffik Inuit Esport peqatigiiffiuvoq nutaaq, nittartakkatigut inuit naapittarfiatigut annertunerusumik tapersersorneqarunartoq.

Tassunga atatillugu Naalakkersuisut inerniliippat e-sport ineriartortinneqarpat nukittorsarneqarballu tulluarnepaassasoq, ingerlatap Kalaallit Nunaanni timersorerup ilaatut ilanngunneqassappat.

Tassunga akissutigisinnaavara e-sport pillugu nalunaarusiaq naammasineqarmat Naalakkersuisunit kaammattuutigineqartoq Peqatigiiffik Inuit eSport nukittorsarneqassasoq. Peqatigiiffik Inuit eSport kaammattorneqarpoq Tipsernermit lottornermillu iluanaarutit aqqutigalugu peqatigiiffimmut ingerlatsinermi aningaasanik qinnuteqassasoq. Tamatuma saniatigut suliniutinut tapiissutit pillugit qinnuteqarnissamut periarfissaqarsinnaasoq assersuutigalugu peqatigiiffiup ataatsimeersuarneranut suliniutinullu allanut.

Inussiarnersumik inuulluaqqusilluta

Aqqaluaq B. Egede